



ADMINISTRACIÓN LOCAL MUNICIPAL CAMBRE

Convocatoria do concurso de disfraces, comparsas e carrozas do Entroido en Cambre 2026

CONVOCATORIA DO CONCURSO DE DISFRACES, COMPARSAS E CARROZAS DO ENTROIDO EN CAMBRE 2026

A Corporación municipal en Pleno, en sesión ordinaria de data 29/01/2026, aprobou, con carácter inicial, as bases do Concurso de disfraces, comparsas e carrozas do Entroido en Cambre 2026.

A continuación, transcríbense integramente o texto das citadas bases, así como os modelos normalizados de inscrición e datos fiscais:

“BASES DA CONVOCATORIA DO CONCURSO DE DISFRACES, COMPARSAS E CARROZAS DO ENTROIDO EN CAMBRE 2026

A finalidade deste concurso é estimular e fomentar a participación veciñal nunha festa popular e tradicional como o Entroido, que se celebrará en Cambre, o sábado 21 de febreiro de 2026.

1. MODALIDADE DE DISFRACES

1.1. Nesta modalidade hai dúas categorías: infantil (menos de 12 anos) e xeral (a partir de 12 anos), na que se poderá concursar de forma individual ou en grupo (máximo 5 persoas). No caso dos grupos, para participar nunha categoría ou noutra, terase en conta a idade da maioría das persoas participantes.

1.2. No escenario e ante o xurado poderán realizar un pequeno espectáculo (interpretación musical, coreográfica, escenificación...) cunha duración máxima de 3 minutos.

1.3. Non se permitirá subir ao escenario aqueles complementos dos disfraces que superen un metro cadrado.

1.4. Non poderán participar na modalidade de disfraces as persoas participantes nas modalidades de comparsas e/ou carrozas.

2. MODALIDADE DE COMPARSAS

2.1. Poderán participar as comparsas previamente inscritas, compostas por un mínimo de seis persoas con disfraces que teñan relación entre si, e que participen no desfile ata o Campo da Feira. No escenario e ante o xurado poderán realizar un pequeno espectáculo (interpretación musical, coreográfica, escenificación...) de 3 a 4 minutos. A música de acompañamento, de ser o caso, debe ser facilitada á organización en formato mp3, ben achegándoa xunto coa inscrición ou ben enviándoa á dirección de correo cultura@cambre.org (neste caso deberá de utilizarse a mesma conta de correo que conste na solicitude e indicar no asunto o número de inscrición no rexistro municipal e/ou o nome artístico. Teñen de prazo ata o 18 de febreiro. Por motivos técnicos, pasada esta data pode non ser tida en conta este acompañamento musical).

2.2. As comparsas do municipio terán unha gratificación individual por participar por un importe de 100,00 euros, sempre que o número delas non supere o total de 5. No suposto de que se supere, repartiríase proporcionalmente a cantidade total presupostada entre elas. Considérase comparsa do municipio a composta na súa maioría por persoas empadroadas neste concello.

3. MODALIDADE DE CARROZAS

3.1. Poderán participar todas as carrozas compostas por seis ou máis compoñentes, inscritas previamente, presentes no punto de saída e que participen no desfile ata o Campo da Feira.

3.2. Enténdese como carroza calquera estrutura remolcada por vehículo motorizado ou construída sobre el, cunha decoración especial e cunha elaboración debidamente coidada, cun mínimo de 2 rodas e con capacidade mínima para 4 persoas, e sempre que o xurado a cualifique coma tal. A altura máxima será de 4,20 m. No caso de que se supere a altura os elementos deben ser desmontables.

3.3 As carrozas asistentes do municipio terán unha gratificación individual por participar por importe de 300 euros. No suposto de que o número destas supere o total de 15, repartiríase proporcionalmente a cantidade total prevista entre elas. Para que unha carroza sexa considerada do municipio, deberá estar composta na súa maioría por persoas empadroadas neste concello.

3.4. Aqueles participantes na modalidade de carroza con dereito a gratificación que tamén se presenten como comparsa, só poderán percibir a gratificación para carrozas.

4. INSCRICIÓN

4.1. INSCRICIÓN

A inscrición dos disfraces, comparsas e carrozas formalizarase mediante a presentación da solicitude que corresponda, en calquera das oficinas de Rexistro Municipais ou na sede electrónica (sede.cambre.es), sen prexuízo do disposto no art. 16.4 da Lei 39/2015, de 1 de outubro, do Procedemento Administrativo Común das Administracións Públicas. Para estes efectos, a data de inscrición a considerar será a de entrada no Rexistro do Concello de Cambre.

Cada ficha de inscrición debe ser presentada de xeito individual. É dicir, cada asento no rexistro corresponderá única e exclusivamente a unha solicitude de participación. Consideraranse inválidos os asentos no rexistro que conteñan máis dunha solicitude de inscrición.

4.2. PERÍODO DE INSCRICIÓN

O período de inscrición comezará ao día seguinte da publicación do extracto da convocatoria no Boletín Oficial da Provincia e rematará o 18 de febreiro de 2026.

5. PREMIOS

5.1. A dotación total da presente convocatoria é de 7.100,00 euros con cargo a aplicación orzamentaria 338 48100 Becas e premios festexos populares.

5.2. Os premios a outorgar serán os seguintes:

PREMIOS				
Disfraces			Comparsas	Carrozas
	Infantil	Xeral		
1º	150 euros	150 euros	300 euros	500 euros
2º	-	-	200 euros	400 euros
3º	-	-	-	250 euros
4º	-	-	-	150 euros

5.3. O xurado poderá declarar deserto calquera deles.

5.4. No mesmo acto e publicamente darase a coñecer a decisión do xurado e entregárase un xustificante do premio.

6. PAGO DOS PREMIOS

6.1. O pagamento dos premios/gratificacións realizarase mediante transferencia bancaria. Aplicaranse as retencións fiscais oportunas, segundo a lexislación vixente, ao titular da conta bancaria asociada ao premio.

6.2. Para o pago dos premios e/ou gratificacións é necesaria a presentación no rexistro de entrada da seguinte documentación:

- Ficha do formulario de datos fiscais debidamente cumprimentada.
- Fotocopia do NIF do premiado, ou do seu representante legal, no seu caso, e a de dous representantes no suposto de grupo.
- No caso das asociacións deberán aportar o CIF e certificado do núm. IBAN da conta bancaria da propia asociación.
- Nos demais casos, certificado da conta bancaria asociada ao premio/gratificación, na que conste o titular da conta, ben do premiado, do seu representante legal ou dun dos dous representantes no suposto de grupo.

6.3. A presentación desta documentación implica a autorización ao Concello para obter datos sobre o cumprimento das súas obrigas tributarias. Con carácter previo ao pagamento, comprobarase de oficio que os premiados están ao corrente das súas obrigas tributarias coa AEAT, co Concello e coa Seguridade Social. De incumprirse esta condición non se poderá recibir o premio.

6.4. A data límite para entregar a documentación é o 31 de marzo de 2026. A non presentación da documentación en prazo ocasionará a perda do dereito á percepción do premio e/ou gratificación.

6.5. Coa transferencia entenderase aboado o premio correspondente.

7. ASPECTOS XERAIS

7.1. Os participantes concentraranse entre as 15:15 e 16:00 h do 21 de febreiro diante da Casa do Concello, onde recibirán indicacións por parte do persoal da organización.

7.2. A organización establecerá a orde no desfile e a orde de actuación, no caso das comparsas e disfraces. As carrozas serán ubicadas no Campo da Feira e nas súas inmediacións durante a celebración da festa. As decisións tomaranse atendendo a criterios de seguridade.

7.3. No desfile deberán participar todas as persoas inscritas. Os menores de 10 anos poderán acortar o percorrido do desfile, segundo as indicacións da organización,

7.4. A organización poderá descualificar aquelas propostas que se consideren vexatorias, especialmente para as minorías étnicas, as persoas con discapacidade, etc.

7.5. Non se autoriza a participación de animais como acompañantes.

8. XURADO

8.1. O xurado estará composto por tres persoas invitadas e de recoñecido prestixio, alleas á organización dos actos, presidido pola concelleira da Área de Cultura ou pola persoa na que delegue, con voz pero sen voto, e actuará como secretario/a un/unha funcionario/a do Concello. A designación do xurado realizarase previamente ao desenvolvemento do concurso por resolución de alcaldía ou da concelleira delegada competente.

8.2. A participación no concurso do Entroido en Cambre 2026 implica o coñecemento e aceptación destas bases. Calquera circunstancia non prevista será resolta pola organización ou o xurado, segundo corresponda, sendo a súa decisión inapelable.

9. CRITERIOS DO XURADO

9.1. O xurado valorará os seguintes aspectos:

- a) A orixinalidade, estética, artes, vestuario, caracterización, creatividade e traballo na elaboración dos disfraces, comparsas e carrozas (máx. 4 puntos)
- b) A utilización de materiais de refugallo (máx. 4 puntos)
- c) A inspiración en fontes culturais (escritores, pintores, científicos...) para a temática das carrozas, comparsas e disfraces (máx. 4 puntos)
- d) A posta en escena, animación musical, a capacidade de interacción co público e a mobilización das masas, a sátira e a crítica social (máx. 4 puntos)
- e) A conservación do Entroido tradicional (máx. 2 puntos)
- f) O uso do galego, tanto oral como escrito (máx. 2 puntos)

9.2. As persoas compoñentes do xurado valorarán o cumprimento dos aspectos indicados no punto anterior e outorgarán entre 0 e 4 puntos segundo o cumprimento sexa baixo (0 punto), moderado (1 puntos), alto (2 puntos) ou moi alto (4 puntos). No caso dos apartados e) e f) unicamente cualificará utilizando os tres primeiros baremos (baixo, moderado e alto).

A puntuación total será a suma da obtida en cada apartado.

As propostas que non acaden unha puntuación total mínima de 8 puntos non poderán optar aos premios.

Finalizada a valoración, redactarase unha acta na que quedará reflectida as valoracións do xurado.

9.3. O xurado poderá non valorar propostas semellantes ás recreacións históricas celebradas no municipio.

9.4. O xurado outorgará un só premio por agrupación, aínda que participen en varias modalidades.

DISPOSICIÓN FINAL

As presentes bases están condicionadas á existencia de crédito axeitado e suficiente no momento da resolución de concesión. Tódolos actos de trámite ditados no expediente de gasto entenderanse condicionados a que ao ditarse a resolución de concesión, subsistan as mesmas circunstancias de feito e de dereito existentes no momento en que foron producidos estes actos."

CONCURSO ENTROIDO EN CAMBRE 2026**FICHA INSCRICIÓN DISFRACES (ESCRIBIR CON LETRAS MAIÚSCULAS)****CATEGORÍA:** **INFANTIL** **XERAL****NOME ARTÍSTICO:****INDIVIDUAL**

Nome e apelidos: Asdo.:

NIF: Teléfono:

Enderezo:

Localidade: e-mail:

GRUPO

Nome e apelidos: Idade:.....

Nome e apelidos: Idade:.....

Nome e apelidos: Idade:.....

Nome e apelidos: Idade:.....

Nome e apelidos: Idade:.....

Nome e apelidos: Idade:.....

REPRESENTANTES (2)

Nome e apelidos: Asdo.:

NIF: Teléfono:

Enderezo:

Localidade: e-mail:

..... -

.....

.....

Nome e apelidos: Asdo.:

NIF: Teléfono:

Enderezo:

Localidade: e-mail:

Coas sinaturas dos representantes autorízase ao Concello de Cambre a empregar as fotografías que se realicen neste evento cultural para a súa divulgación. No caso contrario sinalo o recadro que segue: non autorizo a cesión de imaxe

A inscrición neste concurso implica a aceptación das súas bases e que está informado das normas que se achegan no dorso desta ficha. Máis información 981 613 193 cultura@cambre.org

Cambre, ____ de _____ de ____

Alcaldesa – Presidenta do Concello de Cambre

CONCURSO ENTROIDO EN CAMBRE 2026

FICHA INSCRIPCIÓN CARROZAS (ESCRIBIR CON LETRAS MAIÚSCULAS)

Asociación veciñal:

Grupo de veciños:

Outros concellos:

NOME ARTÍSTICO:

Breve descrición / composición / medidas (largo incluído o vehículo / ancho / alto)

.....

.....

.....

Iluminación da carroza segundo a normativa vixente de circulación

Compoñentes (mínimo 6)

Empadroadado en Cambre

Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI

REPRESENTANTES (2)

Nome e apelidos: Asdo.:

NIF: Teléfono:

Enderezo:

Localidade: e-mail:

Nome e apelidos: Asdo.:

NIF: Teléfono:

Enderezo:

Localidade: e-mail:

Coas sinaturas dos representantes autorízase ao Concello de Cambre a empregar as fotografías que se realicen neste evento cultural para a súa divulgación. No caso contrario sinalo o recadro que segue: non autorizo a cesión de imaxe

A inscrición neste concurso implica a aceptación das súas bases e que está informado das normas que se achegan no dorso desta ficha. Máis información 981 613 193 cultura@cambre.org

Cambre, ____ de ____ de ____

Alcaldesa – Presidenta do Concello de Cambre

CONCURSO ENTROIDO EN CAMBRE 2026

FICHA INSCRIPCIÓN COMPARSAS (ESCRIBIR CON LETRAS MAIÚSCULAS)

Asociación veciñal:

Grupo de veciños:

Outros concellos:

NOME ARTÍSTICO:

Breve descripción / composición

.....

Necesidades: ☐ Micrófonos (núm.) ☐ Outros:Música: ☐ Non ☐ Achégase coa solicitude ☐ Enviase a cultura@cambre.org

Compoñentes (mínimo 6)

Empadroadado en Cambre

Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI
Nome e NIF:	SI

REPRESENTANTES (2)

Nome e apelidos: Asdo.:

NIF: Teléfono:

Enderezo:

Localidade: e-mail:

Nome e apelidos: Asdo.:

NIF: Teléfono:

Enderezo:

Localidade: e-mail:

Coas sinaturas dos representantes autorízase ao Concello de Cambre a empregar as fotografías que se realicen neste evento cultural para a súa divulgación. No caso contrario sinalo o recadro que segue: non autorizo a cesión de imaxe

A inscrición neste concurso implica a aceptación das súas bases e que está informado das normas que se achegan no dorso desta ficha. Máis información 981 613 193 cultura@cambre.org

Cambre, ____ de _____ de ____

Alcaldesa – Presidenta do Concello de Cambre

Normas que figuran no dorso das solicitudes de inscrición

NOTA INFORMATIVA XERAL

- Para que o acto se desenvolva con normalidade, as persoas participantes no concurso deberán en todo momento seguir as indicacións da Policía Local, Protección Civil e do persoal da organización.
- Queda totalmente prohibido o uso de vasos de cristal na festa do Entroido, así como subir ao escenario con bebidas en calquera tipo de envase.
- Os/as participantes no concurso que causasen altercados durante a celebración da festa poderán ser descualificados do concurso a criterio da organización.
- Contra a 01:00 h deberá respectarse o descanso da veciñanza.
- A data límite para a presentación da folia dos datos fiscais xunto co NIF dos representantes e, no caso das asociacións, o CIF, documentación necesaria para o cobro dos premios/ gratificacións, será o 31 de marzo de 2026.
- O titular da conta debe corresponderse cun dos representantes legais; comprobarase que cumpra coas súas obrigas tributarias. No caso das asociacións a titular da conta debe ser a propia asociación.

NOTA INFORMATIVA PARA AS CARROZAS

- As carrozas non poden facer lume nin brasas no seu interior ou transportar líquidos inflamables, pirotecnia, teas (*antorchas) ou obxectos con chama.
- As carrozas que non contén coa iluminación segundo a normativa de circulación vixente non poderán desprazarse de noite. Estas serán trasladadas todas ao mesmo tempo a un lugar alternativo a partir das 23.59 h. Este operativo será coordinado pola Policía local. O domingo 22 de febreiro ás 11.00 h deberán retirarse do espazo asignado.
- Non está permitido viaxar na carroza ata o lugar de concentración; unicamente poderase transportar xente durante o percorrido do desfile.
- O subministro eléctrico temporal autónomo precisará a pertinente autorización, é dicir, un boletín eléctrico. A maiores da autorización será preciso contar cun extintor de incendios en regra no interior da carroza.

Moitas grazas pola súa colaboración e feliz Entroido 2026!!!

A concelleira delegada da Área de Cultura

CONCURSO ENTROIDO EN CAMBRE 2026

Datos Fiscais PREMIOS

☐ CARROZAS☐ COMPARSAS☐ DISFRACES

Nº Nome artístico: Premio Importe: €

Representantes(deben ser os mesmos que na solicitude, dous no caso de grupos)

Nome e apelidos: Asdo.:

NIF:

Nome e apelidos: Asdo.:

NIF:

INFORMACIÓN PARA O PAGO DO PREMIO (segundo o punto 6 das bases do concurso):

6.1. O pagamento dos premios/gratificacións realizarase mediante transferencia bancaria. Aplicaranse as retencións fiscais oportunas, segundo a lexislación vixente, ao titular da conta bancaria asociada ao premio.

6.2. Para o pago dos premios e/ou gratificacións é necesaria a **presentación no rexistro de entrada** da seguinte documentación:

- a) **Ficha do formulario** de datos fiscais debidamente cumprimentada.
- b) **Fotocopia do NIF** do premiado, ou do seu representante legal, no seu caso, e a de dous representantes no suposto de grupo.
- c) No caso das asociacións deberán aportar o CIF e certificado do núm. IBAN da conta bancaria da propia asociación.
- d) Nos demais casos, **certificado da conta bancaria** asociada ao premio/gratificación, na que conste o titular da conta, ben do premiado, do seu representante legal ou dun dos dous representantes no suposto de grupo.

6.3. A presentación desta documentación implica a autorización ao Concello para obter datos sobre o cumprimento das súas obrigas tributarias. Con carácter previo ao pagamento, comprobarase de oficio que os premiados están ao corrente das súas obrigas tributarias coa AEAT, co Concello e coa Seguridade Social. De incumprirse esta condición non se poderá recibir o premio.

6.4. A data límite para entregar a documentación é o 31 de marzo de 2026. A non presentación da documentación en prazo ocasionará a perda do dereito á percepción do premio e/ou gratificación.

6.5. Coa transferencia entenderase aboado o premio correspondente.

☐ Si, declaramos que a asociación veciñal está o corrente das obrigas tributarias coa AEAT, co concello e coa Seguridade Social.

☐ Si, declaro que estou ao corrente das obrigas tributarias coa AEAT, co Concello e coa Seguridade Social, na miña calidade de premiado/representante legal/representante do grupo de veciños e titular da conta bancaria asociada ao premio.

Os asinantes declaran que todos estes datos son certos e se corresponden cos dos participantes no concurso

Cambre, de de

Sra. Alcaldesa – Presidenta do Concello de Cambre

CONCURSO ENTROIDO EN CAMBRE 2026**Datos Fiscais GRATIFICACIÓNS**

Nome artístico:

☐CARROZA ☐COMPARSA**INFORMACIÓN PARA O PAGO DA GRATIFICACIÓN** (segundo o punto 2.2 e 3.3 das bases do concurso):

2.2.- As comparsas do municipio terán unha gratificación individual por participar por un importe de 100,00 euros, sempre que o número delas non supere o total de 5. No suposto de que se supere, repartiríase proporcionalmente a cantidade total presupostada entre elas. Considérase comparsa do municipio, a composta na súa maioría por persoas empadroadas neste concello.

3.3.- As carrozas asistentes do municipio terán unha gratificación individual por participar por importe de 300 euros. No suposto de que o número destas supere o total de 15, repartiríase proporcionalmente a cantidade total prevista entre elas. Para que unha carroza sexa considerada do municipio, deberá estar composta na súa maioría por persoas empadroadas neste concello.

INFORMACIÓN PARA O PAGO DO PREMIO (segundo o punto 6 das bases do concurso):

6.1. O pagamento dos premios/gratificacións realizarase mediante transferencia bancaria. Aplicaranse as retencións fiscais oportunas, segundo a lexislación vixente, ao titular da conta bancaria asociada ao premio.

6.2. Para o pago dos premios e/ou gratificacións é necesaria a **presentación no rexistro de entrada** da seguinte documentación:

- e) **Ficha do formulario** de datos fiscais debidamente cumprimentada.
- f) **Fotocopia do NIF** do premiado, ou do seu representante legal, no seu caso, e a de dous representantes no suposto de grupo.
- g) No caso das asociacións deberán aportar o CIF e certificado do núm. IBAN da conta bancaria da propia asociación.
- h) Nos demais casos, **certificado da conta bancaria** asociada ao premio/gratificación, na que conste o titular da conta, ben do premiado, do seu representante legal ou dun dos dous representantes no suposto de grupo.

6.3. A presentación desta documentación implica a autorización ao Concello para obter datos sobre o cumprimento das súas obrigas tributarias. Con carácter previo ao pagamento, comprobarase de oficio que os premiados están ao corrente das súas obrigas tributarias coa AEAT, co Concello e coa Seguridade Social. De incumprirse esta condición non se poderá recibir o premio.

6.4. A data límite para entregar a documentación é o 31 de marzo de 2026. A non presentación da documentación en prazo ocasionará a perda do dereito á percepción do premio e/ou gratificación.

6.5. Coa transferencia entenderase aboado o premio correspondente.

☐ Si, declaramos que a asociación veciñal está ao corrente das obrigas tributarias coa AEAT, co concello e coa Seguridade Social.

☐ Si, declaro que estou ao corrente das obrigas tributarias coa AEAT, co Concello e coa Seguridade Social, na miña calidade de representante do grupo de veciños e titular da conta bancaria asociada ao premio/gratificación.

Os representantes que asinan esta inscrición declaran que todos estes datos son certos e se corresponden cos dos participantes no concurso do Entroido en Cambre 2026, que son maioritariamente veciños do concello.

Cambre, de..... de

Asdo.:

Asdo.:

NIF.:

NIF.:

Representante

Representante

Sra. Alcaldesa – Presidenta do Concello de Cambre

Ábrese un prazo de información pública e audiencia aos interesados de trinta días hábiles, a partir do día seguinte á publicación do presente anuncio, co fin de que poidan presentar as reclamacións e suxestións que estimen oportunas, segundo o establecido no art. 49 da Lei 7/1985, do 2 de abril, reguladora de bases de réxime local.

No caso de que non se presente ningunha reclamación ou suxestión, entenderanse definitivamente aprobadas as bases do Concurso de disfraces, comparsas e carrozas do Entroido en Cambre 2026, o que se publicará no Boletín Oficial da Provincia, de conformidade co establecido no artigo 70.2 da LRBRL.

Cambre, 2 de febreiro de 2026

A concelleira delegada da Área de Servizos Sociais,

Educación, Cultura e Movemento Asociativo

P.D. (R.A. núm. 396/2025, do 30 de abril)

Patricia Esther Espiñeira Galán

2026/602